

98
LAVRENTIVS THEVPOLVS
D V X X L V I.

*Electus die 23. Iulii 1268. Obiit 16. Augusti. Anno 1273.
Principatus Anno V.*

MONIMENTVM ANTIQVVM.

Claustro Marina tuens, profligo Bononienses.

XLVI.



Theupolus, electionis jure non sanguinis. Non alium namque Regem habent Veneti, præter Deum. Vterque Princeps, merito genitor, Fortunæ genitus. Inter namque Ranerium Dandulum, & Iacobum Theupolum æquè diviso Quadraginta Virali Collegio, ut à Calendis Martii, ad Nonas Maii nullus eorum excederet viginti suffragia: in Iudicem adscita Sors Theupolum prætulit, quem propterea Zianus Princeps adhuc viuens in asceterio D. Georgii, quamvis affinem Bizantini Cæsaris, cuius filiam Laurentius in vxorem duxerat; & Ianuensibus illatâ clade fulgidum spreuit tamquam Fortunæ filium, non Iustitiæ; quæ in posterum ut sacræ Ducum electioni sola præfset; unum supra quadraginta addidere suffragium; dispar namque numero Deus gaudet, & sicut Vnitas in Trinitate, ita Trinitas in Vnitate perficitur. A Iacobo Basseio Eligentium seniore, populo expositus, in occursum & obsequium